

語遲

五臟有五聲心聲爲言若兒稍長應語而語遲由在胎時母卒驚輒內動兒臟邪乘心心氣不和舌本無力故語遲也

錢菖蒲丸 治小兒心氣不足五六歲不能言

石菖蒲 三銖

人參 切去蘆 焙半兩

丹參 二銖

天門冬

麥門冬 去心 焙 各一兩

赤石脂 三銖

直指有當歸川芎朱砂

石同爲紆末煉蜜丸如菉豆大或麻子大溫水下

五七丸至一二十丸不計時候日三四服久服取效又有病後腎虛不語者宜兼服錢氏地黃丸海藏云地黃丸足少陰也與菖蒲丸上下通經

張菖蒲丹 治數歲不能語

菖蒲 壹寸九節者

遠志 去心

桂心 各一兩

人參 去蘆

黃連 去鬚

酸棗仁 各半兩

右為細末煉蜜和如芡實大每服一粒至二粒煎生薑湯化下不拘時候

聖惠治舌本無力語遲芍藥散

赤芍藥 一兩

黃耆 七兩半

犀角 鉤

檳榔

甘草

炙微赤各半兩

右為末每服壹錢水一小盞煎至伍分去滓量兒不計時分加減溫服

錢病吐瀉及大病後雖有聲而不能言又能嚔藥此非失音為腎怯不能上接於陽故也當補腎地黃丸主之失音乃猝病耳口噤不止則失音聲遲亦同

病後不語

鷄頭丸

治小兒諸病後不能語

雄鷄頭

壹箇炙

鳴蟬

叁個炙

大黃

取實處濕紙裹煨熟

甘草

剉炙各壹兩

黃耆

切焙

川芎

遠志

去心

麥門冬

去心

當歸

去蘆焙各半錢半

人參 去蘆

木通 各半兩

右同爲細末煉蜜丸小豆大平旦用米飲下五丸
空心日三四見大者加之久服取效鷄蟬二物宜
求死者用之不可旋殺孫真人所謂殺生求生去
生更遠不可不知也

^{針灸}明堂治五六歲兒不語者灸心俞三壯 莊氏灸兩
足踝各三壯

汗

鄭夫汗者心之所藏在內為血發外者為汗蓋汗乃心之液故人之氣血平則寧偏則病經云陰虛陽必湊則發熱而自汗陽虛而陰必乘則發厥而自汗皆由陰陽偏勝而致也小兒血氣嫩弱膚腠未密若厚衣溫暖熏蒸臟腑臟腑生熱熱搏於心為邪所勝故液不能內藏熏出肌膚則為盜汗也又或傷於冷熱冷熱交爭陰陽不順津液走泄亦令睡中汗自出其間有虛實之證虛者謂諸病後大汗後血氣尚弱液

盜汗或潮熱或寒熱發過之後身涼自汗日久令人黃瘦失治則變爲骨蒸疳勞也丹溪云盜汗者謂睡而汗出也不睡則不出汗出方其睡熟也澌澌然出焉覺則止而不復出矣亦是心虛宜斂心氣益腎水使陰陽調和水火升降其汗自止錢氏云上至頭下至項謂之六陽虛汗不須治之

自汗

自汗者汗不待發表而自出也經曰飲食飽

甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾又曰陰虛而陽必轉則發熱而自汗陽虛而陰必乘則發厥

而自汗東垣云表虛自汗秋冬用桂春夏用黃芪丹
溪云汗者心之液也自汗之證未有不由心腎俱虛
而得之者巢氏云虛勞病若陽氣偏虛則津液發泄
而為汗夫自心為主陽之藏火也陽主氣人身津液
隨其陽氣所在之處而生亦隨其火所擾之處而泄
則為自汗矣治法當用參芪甘溫益氣之藥使陽氣
外固而津液內藏則汗止矣若元氣虛者夏月用六
君子湯加山藥山茱萸冬月用加減八味丸十全大
補湯血虛者四物加參芪有熱者當歸六黃湯氣血
俱虛者十全大補湯心腎虛熱者六味丸虛寒者八

味丸心經血虛者團參湯胃經氣虛者六君子湯飲食勞倦者補中益氣湯嗜卧倦怠者升陽益胃湯熱傷元氣者清燥湯暑干心胞絡者清暑益氣湯外傷風邪者惺惺散虛勞羸瘦者人參養榮湯思慮傷脾者歸脾湯怒動肝火者小柴胡湯肝經虛熱者加味逍遙散肝經濕熱者龍膽瀉肝湯泄瀉脉微者人參理中湯手足汗者補中益氣湯胃腹汗者四君子湯當心一片有汗者茯苓補心湯黃汗者茵陳五苓散血汗者血餘散敷之此皆去汗之大法也仍推五臟相勝主之若汗出如油喘而不休此為命絕柔汗發

黃此爲脾絕汗出不流如貫珠者爲絕汗數者並不治若六陽虛則汗出上至頭下至項亦多主難治

曾小兒脾虛自汗多出額上沾粘人手速救胃氣全

竭觀音散用薑棗煎湯調服及沉香飲爲治脾虛

瀉自汗遍身冷而出有時遇瀉則無瀉過卽有此候

太虛急當補脾投益黃散參苓白朮散附子理中湯

肺虛自汗其候右臉色多眊白肺脉按之無力蓋

久因咳嗽連聲不已痰少不活乃肺經虛氣上壅致

令汗出宜令補肺散爲治及以藿香飲調脾此又益

母救子之義也慢驚自汗徧體俱有其冷如冰此

自汗

證已危金液丹固真湯主之

有實證自汗外因感冒風邪發熱無問昏醒浸汗
出當救表解肌用百解散水煎服或間投五苓散溫
白湯調下

錢治病有等一張氏三子病大者汗徧身次者上至
頂下至胸小者但額有汗眾醫以麥煎散治之不效
錢曰大者與香瓜丸次者與益脾散小者與石膏湯
各五日而愈

香瓜丸

胡黃連

大黃瓜

黃色者
壹枚

大黃

濕帛
裹煨

柴胡 去其蘆

龍甲 黃

黃檗

黃連

蘆薈

青皮 各等分

右除黃瓜外同為細末將黃瓜割其頂填入諸藥至滿却蓋口用杖子插定火內煨熟將黃瓜及藥同用麵糊丸如棗豆大每服二三丸食後冷漿或新水下大者五七丸不及十丸

胃怯汗上至頂下至臍此胃虛當補胃益黃散主之錢六陽虛汗上至頂不過胸也不須治之 喜汗厚衣卧而額汗出也止汗散主之

止汗散 用故蒲扇灰研細每服三錢溫酒調下無

時

薛氏方十全大補湯

治諸虛不足自汗不食時發

潮熱等證

白茯苓

人參

當歸

白朮

黃芪炒

川芎

肉桂

白芍藥炒

熟地黃

甘草炒各等分

右每服三五錢加薑棗水煎服

八珍湯

前方去肉桂黃芪治驗見各門

人參養榮湯

治病後時自汗或發潮熱口乾食少

心虛驚悸欬而下利前方去川芎加陳皮五味子遠志

升陽益胃湯痢

加減八味丸虛

清燥湯

清暑益氣湯並注

惺惺散痘

歸脾湯驚悸

小柴胡湯熱

加味道遙散女科發熱

龍膽瀉肝湯雜前陰諸疾

人參理中湯瀉

茯苓補心湯痞

茵陳五苓散黃疸

曾氏方

全蝎觀音散吐瀉

沉香飲吐瀉

益黃散脾

參苓白朮散吐瀉

理中湯吐瀉

補肺散嗽

霍香飲脾弱

金液丹

固真湯驚並慢

百解散

五苓散驚並急

團參湯 治小兒虛汗或心血液盛亦發為汗此藥

收斂心氣

新羅人參

川當歸各三錢

右剉細用雄猪心一箇切三片每服二錢猪心一片并水一盞半煎至一盞食前兩次服

牡蠣散 治血虛自汗或病後羸虛津液不固自汗

牡蠣煨

黃芪

生地黃

各等分

右劉散每服二錢或加浮麥煎

撲汗方

黃連

牡蠣粉

貝母

各半

右用米粉一升傅之

血餘散

治汗不止

用男子亂髮一握煨存性為細末以絹袋盛置乾

撲之

盜汗

睡則汗出寤則自收也錢氏曰小兒睡而自汗

出者肌肉虛也止汗散主之徧身汗出者香瓜丸主

盜汗

力斗二

八三

金匱要略

之上至胃下至臍此胃虛也當補脾益黃散主之

薛自汗屬陽虛盜汗屬陰虛蓋陽為衛氣陰為榮血
血之所主心也所藏肝也熱搏於心故液不能內歛
而外泄於皮膚人卧則靜而為陰覺則動而為陽故
曰自汗屬陽盜汗屬陰也多因心腎不交水火不能
既濟腎虛則閉藏之令失守故有是證宜用六味丸
十全大補湯血虛內熱者當歸六黃湯心經有熱者
導赤散肝經虛熱者六味地黃丸血脫盜汗者當歸
補血湯肝膽風熱者柴胡清肝散食積內熱者二陳
枳實山梔胃氣虛熱者六君子湯及浮麥散血氣俱